## 0.0.1 pathamabhavasuttam

- 1. atha kho āyasmā ānando yena bhagavā tenupasaṅkami. upasaṅkamitvā bhagavantaṃ abhivādetvā ekamantaṃ nisīdi. ekamantaṃ nisinno kho āyasmā ānando bhagavantaṃ etadavoca: 'bhavo, bhavo'ti bhante vuccati. kittāvatā nu kho bhante bhavo hotī'ti?
- **2.** kāmadhātuvepakkañca ānanda, kammam nābhavissa api nu kho kāmabhavo paññāyethāti?
- 3. no hetam bhante.
- **4.** iti kho ānanda, kammam khettam, viññāṇam bījam, tanhā sineho. avijjānīvaraṇānam sattānam tanhāsamyojanānam hīnāya dhātuyā viññāṇam patiṭṭhitam. evam āyati² punabbhavābhinibbatti hoti.
- **5.** rūpadhātuvepakkañca ānanda, kammaṃ nābhavissa, api nu kho rūpabhavo paññāyethāti?
- 6. no hetam bhante.
- 7. iti kho ānanda, kammam khettam, viññāṇam bījam, taṇhā sineho. avijjānīvaraṇānam sattānam taṇhāsamyojanānam majjhimāya dhātuyā viññāṇam patiṭṭhitam. evam āyati punabbhavābhinibbatti hoti.

¹taṇhāsneho-machasaṃ.

<sup>&</sup>lt;sup>2</sup>āyatim-machasam.

- **8.** arūpadhātuvepakkañca ānanda kammam nā bhavissa, api nu kho arūpabhavo paññāyethā?ti.
- 9. no hetam bhante.
- 10. iti kho ānanda, kammam khettam, viññāṇam bījam, taṇhā sineho. avijjānīvaraṇānam sattānam taṇhāsamyojanānam paṇītāya dhātuyā viññāṇam patiṭṭhitam. evam āyati punabbhavābhinibbatti hoti. evam kho ānanda, bhavo hotī'ti.